



Suit. 59245/B

Wm. T. Bell

DISSERTATIO INAUGVRALIS MEDICO-CHEMICA
DE
GENVINIS VIRIBVS
T A B A C I
EX
PRINCIPIIS EIVS CONSTITVTIVIS
DEMONSTRATIS,

Q V A M
SVB AVSPICIIS SVMMI NVMINIS

ET
CONSENSV GRATIOSAE FACVLTATIS MEDICAE
P R A E S I D E

VIRO ILLVSTRI EXCELLENTISSIMO ET EXPERIENTISSIMO
DOMINO

D. ANDREA ELIA BVCHNERO,

SACRI ROMANI IMPERII NOBILI,
AVGVSTISSIMO BORVSSIAE REGI A CONSILIIS INTIMIS,
MEDICINAE ET PHILOSOPHIAE NATVRALIS PROFESS. PVBL. ORDINARIO,
IMPERIALIS ACADEM. NATVR. CVRIOSOR. PRAESIDE,
ET COMITE PALAT. CAESAREO,

PRO GRADV DOCTORIS

SVMMISQVE IN MEDICINA HONORIBVS ET PRIVILEGIIS
DOCTORALIBVS LEGITIME IMPETRANDIS

AD D. SEPT. A. S. R. MDCCXLVI.

PVBLICE DEFENDET

AVCTOR

IO. IACOBVS FRAVENKNECHT,

BERGA-RVGIVS.

HALAE MAGDEBVRGICAE LITTERIS HENDELIANIS.

250682



V I R O.
MVNERVM. DIGNITATE.
MERITORVM. GLORIA.
FLORENTISSIMO.

*ILLVSTRI. EXCELLENTISSIMO. EXPERIEN-
TISSIMO. DOMINO.*

DOMINO.

D. ANDREAE. ELIAE.
BVCHNERO.

S. R. I. NOBILI.

SERENISSIMO. AC. POTENTISSIMO. BORVSSIAE. REGI.
A. CONSILIIS. SANCTIORIBVS.

ACADEM. IMPERIALIS. NATVRAE. CVRIOSORVM. PRAESIDI.
MEDICINAE. ET. PHILOSOPHIAE. NATVRALIS. PROFES-
SORI. PVBLICO. ORDINARIO. AC. REGIAE.
SOCIETATIS. SCIENTIARVM. BERO.
LINENSIS. SODALI.

PATRONO. PRAECEPTORI.
AC. PROMOTORI. SVO.

IN. PERPETVAE. OBSERVANTIAE. ET REVERENTIAE.
DOCUMENTVM.

IN. NVNQVAM. INTERMORITVRAM. BENEFICIORVM.
MEMORIAM.

IN. SVI. AC. STVDIORVM. SVORVM.
COMMENDATIONEM.

CVM. ARDENTISSIMO. OMNIGENAE. FELICITATIS.
VOTO.

HASCE. PAGELLAS. QVALESCVNQVE.

D. D. D.

A V C T O R.



DISSERTATIO INAUGVRALIS MEDICO-CHEMICA
DE
GENVINIS VIRIBVS
T A B A C I
EX
PRINCIPIIS EIVS CONSTITVTIVIS
DEMONSTRATIS.

PROOEMIUM.



Dissertationem inauguralem,
speciminis publici loco,
elaboraturus, calamum
saepe sumsi, saepe posui,
dubius, vacillante sen-
tentia, haerens, quodnam
thema selectu foret optimum; cum tan-
dem

dem inter has mentis fluctuationes staret sententia, thema eligere, quo, Poetarum more, & oblectare & multis, si non plurimis, prodesse possim. Varia quidem, modo theoretica, modo practica themata, quorum sat magnum medicina offert numerum, in mentem veniebant; sed profecto! illa quod attinet, complura ipsorum (nisi principia quaedam in medicina minus adhuc cognita assumerem,) demonstratu difficilia sunt, iisque demonstrandis tanto magis ego me imparem profiteor; haec vero, ob experientiae medicae defectum, aetatem meam superant: Hinc tale thema seligere conueniebat, in quo tractando facilius eiusmodi difficultates pro viribus superari poterant. Et sic optime in praesens institutum tractatio de *Tabaco* quadrare videtur. Planta haec, a primo illo, quo innotuit, tempore, fere omnium oculos in se conuertit, & multi illius intimius perno-scendae desiderio tenebantur. Vfus eiusdem postmodum maximopere inualuit, sed haud aequali cum effectu; his enim laudatissimus erat, aliis, licet eadem fuerit species,

species, idemque vtendi modus, minime accommodus; vnde etiam alii, pro tam notabili effectuum differentia, plantam nostram in coelum fere extollebant, alii in abyssum relegabant, immo veneni macula adspergebant. Hinc nullus dubito, fore quosdam, qui tractationem hancce praecipiti forsan suffragio condemnabunt, alios tamen, qui ad sensu suo eandem comprobabunt, alios, qui in hoc vel illo tractationis huius momento aliam sequentur sententiam, alios tandem, qui simpliciter saltem obiicient, quod bene multi iam iam prostent libri, de Tabaco eiusque viribus tractantes, vt idcirco labore hoc meo facile supersedere potuerim. Sed haec omnia nihil me morantur. Quod enim ad vltimum in primis attinet, breuibus reponere licebit, quod in omnibus fere hisce libris euoluendis & perlustrandis multus fuerim; sed, quod praefiscine dixerim, omnes hi Auctores maximam suam in eo collocant operam, vt vel synonyma huius plantae anxie conquirant, aut definitiones eius e Botanicis, quotquot vnquam
vigue-

viguerunt, conscriptas exhibeant, vel laudibus illius nimium indulgeant, quo hypothefibus suis formam induant, aut miras & subleſtae fidei obſervationes complent, ſicque aut maiorem illi famam concilient, aut, ob minus ſalutares qualitates, & heteroclitos, quos exſerere debet, effectus, male audiat, quae vel lucri captandi gratia, vel politioris, non dicam corrupti ſaeculi genio & moribus inſeruiendi ſtudio, facta eſſe creduntur. Cum vero totius tractationis cardo in eo vertatur, vt huius plantae principia exactius cognoſcamus, quippe quibus ignoratis in ſole caligamus, haec proſecto! ſicco praetereunt pede, excepto ſolo D. D. SCHOON, in Tr. qui titulum in fronte gerit: *Waare Oeffening en Ontleding der Planten*, quippe qui ſolertius ad calculum huius plantae principia reuocauit, licet in hoc vel illo fruſtraneam collocauerit operam. — Quare ſpecialiori Tabaci indagationi manus admouere operae pretium duxi, id praecipue acturus, vt in perſcrutandis partibus huius plantae conſtitutiuis nulli parcerem labori. Et
ſane

fane tanto facilius rem expedire licuit, cum
aditus mihi ad laboratorium chemicum
DN. D. STRVMPFFII, Praeceptoris mei ho-
noratissimi, patuerit, quo duce etiam va-
ria cum Tabaco instituendi experimenta,
scopo meo inferuientia, copia data mihi
fuit. Insuper etiam habitum huius plan-
tae ad corpus humanum, eius operandi
modum, & effectuum, pro indiuiduorum
ratione, differentiam, subiungere, quoad
potui, annisus sum. Caeteroquin adfere-
re non ausim, me, ob virium imbecillita-
tem, ex asse expectationi satisfecisse.
Spero nihilo minus, fore, vt aequi animi
iudices benignius ferant iudicium, nec
opellam hanc omni plane consideratione
medica indignam aestiment. Faxit
ergo Deus, vt omnia cedant
feliciter!





§. I.



Cum bonae methodi legibus hodie-
num usu receptum sit, in describen-
dis triplicis illius regni Naturae sub-
iectis, naturalem semper cuiuslibet
praemittere historiam; hinc etiam
telam, intuitu praesentis plantae con-
texendam, historiae illius naturalis descriptione ex-
ordiri consultum duxi.

§. II.

Quod itaque attinet ad *Tabaci* originem, eam a
variis auctoribus descriptam deprehendimus, quod
nimirum planta haec in insula quadam Indiae occi-
dentalis, *Tabago*, seu *Tabaco*, sub numero minorum
sic dictarum Antyllarum insularum comprehensa,
primum quidem sit reperta, vnde & nomen obti-
nuit, postea tamen in aliis etiam huic conterminis
insulis & regionibus, praecipue Virginia & Brasilia,
innotuerit, vnde dein eam cum semine, nauigatio-
nis ope, *Franciscus Hernandes de TOLEDO*, Medi-
cus

cus quidam, ceu plantam rarissimam, in Hispaniam & Portugalliam transportari & in hortum regium, SEBASTIANI Portugalliae Regis, deferri curaue-
rit. Nihilominus tamen per aliquot tempus adhuc
virtus illius omnes latuit, donec *Ioannes Nicotius*,
Nemaufensis, FRANCISCI II. Regis Galliae apud
Regem Portugalliae anno 1559. & 1560. Legatus, illam
ipsam primus in Europa diuulgauerit. Contigit
enim, vt *Nicotio*, hortum regium aliquando visitan-
ti, nobilis quidam Belga tenellas quasdam Tabaci
plantas dono dederit, quas Legatus lubenti ani-
mo accepit, & vt herbam raram & transmarinam,
anteaque sibi nusquam visam, in hortum suum trans-
ferri curauit, vbi cultae laetae germen miserunt.
Accidit postmodum, vt seruulus aulicus in certo
casu hanc plantam in vsum traheret, eum in finem,
vt experimento illius virtutes & effectus deprehen-
deret, vti alias in eruendis & indagandis herbarum
virtutibus fieri adsolet; hinc herbae prius contusae
succum expressum vulneri, naso vicino & ad sub-
strata ossa penetranti, adplicauit, ipsamque herbam
exsuccam deinde superimpofuit, quo facto, sub
continuato vfu, breui temporis spatio vulnus coa-
luit. Et hac occasione salutares eiusdem effectus
primum innotuerunt *Nicotio* & Archiatro, qui
huncce effectum mirati, vltius in ipsius virtutes in-
quirere studuerunt. Breui post ipse *Nicotius*, cum
digitum cultro tonsorio grauiter laesisset, eodem
modo ipsam in vsum vocauit, vulnere sic intra
paucos dies feliciter consolidato. Ob hancce ergo

peculiarem virtutem traumaticam haec herba dein Lisbonae *Herba Legati* vocari suevit. Postea laudatus *Nicotius* semen, nec non descriptionem virtutum ac effectuum huius plantae, quotquot tunc temporis innotuerant, Reginae suae CATHARINAE de MEDICIS transmisit, quae semen in orto regio terrae mandari iussit, cumque dein virtutes huius plantae exacte relationi Legati respondere deprehenderet, suum ipsi nomen impertivit, unde postea *Herba catharinaria* ac *medicea* vocata fuit, & sub hoc nomine fama eius in tota Gallia percrebuit. *Nicotius* itaque hanc plantam eiusque effectus primum in Gallia, postea vero praeclarus ille miles auratus & Thalassiarcha, *Franciscus Drake*, anno 1564. Anglis notam fecit; *Cardinalis de St. Cruce*, Nuntius Apostolicus ad Regem Lusitaniae missus, Romam dein adportauit; *Nicolai Tornabonii*, Episcopi Itali, apud Galliarum Regem tunc temporis Legati, opera in Italiam fuit translata; tandemque illius fama ad Belgium & terras illi vicinas emanavit, ita ut ex vno in alterum regnum migrauerit, nunc in vulgus notissima.

§. III.

Ex adducta breui historia §. II. fluunt praesentis plantae denominationes, ut sunt *Tabacum*, sive *Tobacum*, *Nicotiana*, *Herba Legati*, *Herba Reginae*, *Herba Medicea*, *Herba St. Crucis*, *Tornabona*, *planta vulneraria Indica*, &c. Synonymiae prolixior foret expositio, si velim enarrare singula, quae praecipue in Botanicorum scriptis occurrunt, de quibus videantur

antur Io. NEANDRI *Tabacologia*, & ZORNII *Botanologia medica*.

§. IV.

Cum *Tabaci* nomen ab Hispanis, ceu primis inuentoribus, nostrae plantae inditum fuerit, §. II. illaque sub eodem nomine omnibus fere nationibus per vniuersam Europam notissima sit, ideoque idem in praesenti hac tractatione, missis reliquis, unice retinere placuit.

§. V.

Quantum autem attinet ad legitimum *Tabaci* genus & characterem naturalem, illius plerique recentiores rei herbariae scriptores duo genera constituere solent. Ex multis bigam tantum praestantissimorum botanicorum adducere liceat, Clariss. nempe LUDWIGIVM a), qui vnum denominat genus *Nicotianam*, *Petum* vero alterum. Generibus istis inter se comparatis facile & liquido constabit, illa pro longitudine & breuitate florum tantum variare, in partibus vero essentialibus conuenire, hinc non immerito combinanda esse. Neque hac in re *Carolus LINNAEVS* b), Sueciae suae decus, a sententia nostra dissensire videtur: *Figura*, inquit, *acuminata & obtusa in hocce genere nil valet*; interim tamen hoc non obstante duorum generum mentionem facit c), quorum vnum est *foliis lanceolatis*, alterum *foliis ouatis*.

B 3

§. VI.

a) Defin. plantar. p. 10.

b) Gen. plantar. p. 48. n. 137. Obs.

c) Hort. Cliffort. pag. 56.

§. VI.

Recentiores Botanici ad florem & modum fructificandi potissimum respiciendum esse in characteristicis plantarum notis, vno ore docent. Horum antesignanus LUDWIGIVS d) plantam nostram in prima sua classe recenset, quae *herbas flore perfecto, simplici, regulari, monopetalo* complectitur; strictè autem *Nicotianam* definit, quod sit *planta, quae calice longo, tubuloso, in quinque longa, acuta segmenta scisso, sustinet florem infundibuliformem, in segmenta stellatim expansa scissum; fructum fert oblongum, cuspidatum, septo medio diuisum, semina continentem exigua*, quibus notis accedit *radix annua*. Petium, ut alterum plantae genus, sic describit d): *Radice annua, calice breui, amplo, in quinque segmenta obtusa scisso, amplectitur florem infundibuliformem, amplum, in segmenta breuia & obtusa scissum, fructu gaudet subrotundo, septo medio diuiso, semina continente exigua*.

§. VII.

Modo laudatus LINNAEVS, auctor noui illius systematis, quo fido duce quisque genera & species plantarum, absque iconum adminiculo, determinare & dignoscere valet, *Tabacum*, seu *Nicotianam* in classem *pentandriorum monogyniorum* ponit. *Pentandriam* vocat, ob quinque stamina filamentosa, tubulata, petalo inserta, antheris oblongis erectis praedita, quae in floribus plantarum masculina esse membra existimat, quibus foecundus quidam

d) loc. cit.

dam pollen praebeatur, femininae parti immittendus, a quo omnis vegetatiua virtus fructui, inque eo contentis feminibus, tribuatur. *Monogyniam* appellat, quoniam in quouis flore eorum membrorum, quibus conceptio & elaboratio absoluitur, tantum vnicum deprehenditur, id est pistillum, quod germen est globosum, vtero comparandum, cui pollen feminalis masculinus per stilum filiformem, stigma obtusum trigonum in apice suo habentem, tanquam per vaginam vtero immittitur.

§. VIII.

Inter notas Tabaco proprias recenset *e*) calicem, perianthium monophyllum, ouatum, semiquinquifidum, persistens; corollam, petalum infundibuliforme, tubum calice longiorem, limbum patulum, semiquinquifidum, quinqueplicatum; stamina, filamenta quinque, tubulata, longitudine fere corollae, inclinata, antheras oblongas; pistillum, germen ouatum, stilum filiformem, longitudine corollae, stigma capitatum, emarginatum; perianthium, capsulam fere ouatam, vtrinque linea insculptam, bilocularem, apice dehiscentia, semina numerosa, reniformia, rugosa; receptacula dimidiato-ouata, punctata, dissepimento adfixa. Continet in se descriptio haec terminos, quorum sensus pendet ab intellecto systemate sexuali plantarum, cuius quidem omnes rationes huc adponere nimis prolixum esset, quare apud ipsum Auctorem legi possunt.

§. IX.

e) loc. cit. p. 48. n. 137.

§. IX.

Vidimus, quantum satis est, quid celebribus Viris de constituendis tabaci generibus visum fuerit. Videndae nunc erunt species. Si itaque iam duo dantur genera, facillime ad vnum reducenda §. V. mirandum haud est, quod & multae existant species. Harum specierum plurimas prae ceteris Cel. LINNAEVS g) annotavit, vndecim nimirum, quarum sex folia lanceolata, quinque folia ovata §. V. habent. Sed a scopo meo alienum esset, omnes species ibi allatas, earumque differentias consignare, quapropter species tantum notissimas & a pluribus Auctoribus notatas, recensuisse sufficiat.

§. X.

Progredior ergo nunc ad specierum Tabaci breuem saltem expositionem. Obuenit mihi primum *Tabacum latifolium*, siue *Nicotiana maior latifolia* C. B. h) *Tabacum maius* I. B. ad genus *Nicotianae foliis lanceolatis* LINNAEI §. V. & LUDWIGII §. VI. referendum. In hac potissimum conveniunt omnes notae, quas in descriptionibus variorum auctorum attuli. Planta haec radices fundit a crassiori basi furculosas, lignosas, & multis tenuibus fibrarum processibus firmatas, albicantes, intus croceas, & amaras. Caulem baculi crassitie, qui ad duarum vel trium pedum proceritatem interdum attollitur, viridem, tenui tomento pubescentem, vntuosum, maxime dum adoleuit, medulla candida farctum, ramosum, quem lata folia obsepiunt, sym-

phiti

g) Hort. Clifford. l. c.

h) Pin. 169.

phiti maioris instar grandiora, e medio ambitu latiore & quasi gibbosa extremitate in mucronatam figuram sensim desinentia, diluto virore splendentia, odore iniucundo, succulenta, & glutinoso humore nonnihil quasi oblinita, acria gustu, cum lentore quodam. Flores in albedine dilute purpurascente rubore (qui *incarnatus* dicitur) subfusi, quos marcidos sequuntur conceptacula, ex rufo nigricante semine referta. Notas florum & fructificationis reliquas, §. VI. & VIII. iam dictas, conferas.

§. XI.

Altera species, quae *Tabacum angustifolium maius*, seu *Tabacum minus*, aut *Lobellii* dicitur, & a praecedente §. X. descripto vix differens, eidem etiam generi adscribitur, radices habet lignosas, multifidas, & innumeris fibris capillatas, caules porro sesquipediales, striatos, virides, ramosos, quibus e pediculo adfiguntur folia Solano, quod belladonna vocant, non absimilia, latiora tamen & paulo viuidiora, lanuginosa, spissa, succulenta. Caulium & ramulorum fastigia flores ornant purpurascetes, semen postea exiguum, subflavum continentes. Addat b. L. signa florum fructusque characteristica ex §. VI. & VIII.

§. XII.

Nec minus superuacaneum duco, fusius hic notare, quosdam adhuc tertiam nominare Tabaci speciem, quam proprie *Tabacum minus* vocant, de qua referunt, quod folia quidem minora, quam modo adductae species, maiorem vero effectum, flo-

C

rem-

remque magnitudinis respectu diuersum habeat, & haec sub nomine quoque *Nicotianae minoris* C. B. i) venit; comprehendit vero eam sub se genus Tabaci, quod *secundum* Linnaei est, foliis ouatis §. X. Ludwigius vero ipsam adnumerat generi Peti, §. VI. adducto, estque praecedentibus §. X. & XII. descriptis multo humilior. Radix est alba, subtus demissa, longitudine spithamae, foliis lateralibus vndique cincta. Caulis est rotundus, pinguis, tenuiter hirsutus & pallide virens, in quo folia virentia, subrotunda, pingua, succosa & parum pilosa, furioso Solano non absimilia, sed maiora & magis candicantia. Flores luteo colore pallent, speciebus §. X. & XI. multo minores breuiioresque; femina pallide liuescentia sunt. Ceteras floris & fructificationis notas vid. in §. VI. & VIII. Plurium vero specierum recensione supersedeo lectoremque, plura forsitan desideraturum, ad Botanicorum scripta remitto.

§. XIII.

Hodiernis temporibus, vbi non tantum in hortis nostris atque agris, sed innumeris quoque aliis regionibus, extra & intra Indiam, tanquam locum natalem, colitur, pro varietate foli & poli, multis modis variat Tabacum, tam quoad substantiam, quam quoad naturam ac indolem, colorem, saporem, &c. Et licet omnes illae Tabaci species, quae ad nos ex fere innumeris Americae locis adportantur, optimae notae sint; tamen certum est, experientia teste, quod folia Virginiana reliquis ex Americae

ricae locis allatis speciebus longe sint praeferenda. Et quoniam Indis eorumque imitatoribus idem evenire potest, quod mercatoribus Europaeis, ut vel nimia credulitas, vel lucri aucupium intercurrat, hinc cautione omnino opus est, ne quis herbam Europaeam pro Indica coëmat, sicque sibi imponi finat.

§. XIV.

Non errabit, qui statuit, quod pro differenti Tabacum parandi modo & huius vel illius admixtione, aliae atque aliae, imo quasi novae species produci possint, quas deinde praecipue lucripetae pro arbitrio, ut fucum faciant, novis, speciosis, interdum grandisonis notant nominibus, quin pro lubitu pretium illis statuunt. In cuius rei testimonium allego NEANDRUM *k*) & SCHOONIVM *l*), quorum ultimus adserit, quod maxime procul dubio Tabacum Iudaeorum genio expositum sit, illud in gyros ducendo & pro arbitrio novas species fingendo. Et certe! idem experientia nuperrime edoctus, affirmare possum, quod Tabacum in gyros ductum, imo illa Tabaci species, quae a conuassandi modo *Canaster* dicitur, sub praeparatione notabilem patiatur mutationem. Sic enim euentu experimentorum infra adductorum deprehendere licuit, quod tam haec, quam aliae species, cum quibus experimenta institui, minus v.g. salis, olei, &c. dederint, quam folia Virginiana, ex quibus tamen illa species, *Canaster* dicta, conficitur.

C 2

§. XV.

k) l. c. p. 24. seqq.

l) Waare Oeffening en Ontleding der Planten, p. 364.

§. XV.

Licet recentiorum labores hac in re laude sua non defraudandi sint, quod bene multa de plantae huius virtutibus scripserint; attamen in hoc illorum partes desiderantur, quod pauca, eaque generalia tantum, de genuinis illius principiis tradiderint, consequenter desiderio illorum, qui omnia ex indubiis principiis deducere adnituntur, haud satisfecerint. Et cum primarius praesentis tractationis fuerit scopus, supplendi pro virium modulo huncce defectum, hinc plantam meam examini chemico subieci. Selegi vero folia Tabaci Virginienſis, & vulgaris in nostris regionibus culti, satis adhuc recentia, nondum corrupta, & leuiter saltem, sufficienter tamen siccata, vt facili tritura in puluerem redigi potuerint. Commodum autem visum fuit, hasce seligere species, cum in omnium fere manibus & vsitatissimae sint. Cum praeterea satis notum sit, exsiccationem has vel illas subiecti alicuius partes auferre, praesertim specificè leuiore, & in auram profligare, vt idcirco vnius eiusdemque subiecti producta fallere possint; hinc aequalem exsiccationis harum specierum gradum obseruaui, quo exactior quoque inter illas comparatio institui potuerit.

§. XVI.

Vt autem instituti mei ratio, & quicquid in capiendis experimentis praestare conatus fuerim, eo clarius pateſcat, consultum duxi, experimenta singulatim enarrare, circumstantia ne minima quidem omiſſa, cum rerum chemicarum gnaris satis constet,

stet, quod levis interdum visa circumstantia, de qua nemo cogitavit, viam ad penitiorum rei alicuius cognitionem sternat, qua vero neglecta & insuper habita, in suspenso haec vel illa relinquuntur. Optaverim quidem, ut maiori studio huic analyfi chemicae vacare potuissem, verum temporis angustia, subsidiorum desideratorum defectus, allaque impedierunt, quo minus labor votis meis responderit; spem tamen interea foueo certissimam, fore, ut aequioris animi iudicibus conamina mea, qualiacunque etiam fuerint, non plane displiceant.

§. XVII.

Experim. I. Accepi Tabaci foliorum Virginiensium §. XV. & speciei secundae §. XI. in frustula minora dissectorum vncias sex, quibus retortam adimpleui vitream ad colli inferiora vsque; adplicavi excipulum purum, vitreum, satis amplum, ac bene clausis commissuris, institui in balneo horizontali, a DN. D. STRUMPFIO, in Chemia B. SCHVLZII nunc edita, descripto, destillationem per gradus. Primo descendebat in excipulum guttatim liquor aqueo-pinguiusculus, subflavus, limpidus. Aucto ignis gradu prodibat adhuc, sub tenuissimorum vaporum forma, liquor priori similis, magis flaescens, simulque oleum leue, valde pingue. Igne magis diuque aucto, & inferne & superne etiam ollae ferreae, quin circa collum retortae impositis prunis, de residuis foliis inter tumultuosum, opacum, albo-flaescentem ex retorta progredientem fumum, copiosum oleum nigrum,

graue, simulque in excipuli latere inferiori, nec non in parte retortae superiori fornicata & in principio rostri, seu colli, materia exusta, fuliginosa, coloris ex ruffo nigricantis, vitri parietibus adhaerens, comparabat, & circumquaque striae eiusdem indolis & coloris, ceu vestigia guttularum defluentium, in conspectum veniebant. Ignis ille diu admodum in magno vigore sustinebatur, & semper aliquid fumi subalbi, postea euanescentis, prodire pergebat. Tandem in retortae fundo massa ex fusco nigricans remanebat, ex liquefactis fere foliis coacta, leuissima ac spongiosa, omnis saporis expers. Totius destillationis opus intra tres horas cum dimidia absoluebatur.

§. XVIII.

Liquida expulsa & collecta, sunt oleum aquae supernatans, & oleum ad ima deciduum, quae coniunctim ponderabant vncias tres & drachmas tres cum dimidia; carbonaria vero substantia vncias duas & grana septem. Ex quo patet, materiam empyreumaticam & fuliginosam, qua & latus excipuli inferius, & retortae pars superior tenuissime obducta erat, drachmas quatuor, scrupulum vnum & grana tria pependisse, excepto, quod per commissuras in auras exhalavit.

§. XIX.

Experim. II. Dicta modo liquida §. XVIII. vncias tres, drachmas tres cum dimidia pondere aequantia, ex retorta vitrea, arenae imposita, leni igne denuo destillaui: sic dederunt liquorem flavescentem,

scientem, vnciam vnam & drachmam dimidiam ponderantem, qui odorem spirabat subtilem, acrem, penetrantem, instar spiritus cornu cerui nares fortiter ferientem, ipseque liquor, gustu exploratus, linguae acrem, vrentem & quadantenus nauseosum imprimebat saporem. Spicula quaedam hastatae formae, lateribus colli retortae sese adponentia, ab aquosis partibus transtillantibus mox iterum fuerunt soluta. Liquor brunnus, admodum oleosus, cum notabili portione olei nigri empyreumatici, spargebat foetentem, empyreumaticum odorem, quo accedebat ad oleum empyreumaticum animalium, at magis nauseoso odore multum illud superabat. Coniunctim, definita praecedentis quantitate, vncias duas, drachmas tres & grana duo perpendit. Oleum graue empyreumaticum, cuti instillatum, puncturae sensum excitabat, illamque flauescente colore, satis pertinaciter haerente, tingebat.

§. XX.

Experim. III. Liquoris flauescentis quantitati, & pauxillo salis, lateribus vitri adhaerescents, §. XIX. affudi spiritus vini rectificatissimi vnciam semis, & dicto ibidem modo destillationem suscepi, quo spicula copiosiora in conspectum redirent, illorumue ratio magis expedita esset. Quo facto maior salis volatilis, latus excipuli & colli retortae superius fere in totum obducentis, tres drachmas circiter aequantis copia, iucundum oculis praebuit spectaculum.

§. XXI.

§. XXI.

Scrùpulum vero circa salis huius volatilis genesis b. L. iniicere mihi videris, quod tantum absit, vt spiritus vini rectificatissimus eiusmodi sal producere possit, vt potius illud inuoluendo eius prouentum impediat, quia alcalina (quod vero hic sal volatile alcalinae indolis sit, infra probatu haud difficile erit;) cum oleo etiam, vbi saponem constituunt, mixta, in intimos spiritus vini rectificatissimi recessus penetrent & soluantur, exemplo tincturae antimonii & saponaceae. Sed perpendas quaeso, quod iste liquor adfusus, solitudinis impatiens, statim alcali & oleum, quantum capere potest, imbibat, certamque etiam vel alcali solius, vel cum oleo combinati, quantitatem in se suscipiat; quod quantitas soluentis longe maior soluendi quantitate esse debeat; quod spiritus vini rectificatissimi vncia semis, olei & salis volatilis circiter drachmae tres fuerint; ac tandem oleum & sal volatile, vti etiam spiritus vini rectificatissimus, semper (per principia chemica) in destillatione aquam antecedant. Hisce rite pensitatis, in propatulo est, quod spiritus vini rectificatissimus transtillans, sale volatili iam satur, sallem lateribus adhaerentem soluere nequeat, sed intactum insolutumue relinquat. Fac vero, nullam fieri spiritus vini rectificatissimi adfusionem, tunc certe! vel nulla huius salis genesis futura, vel diuersa ratione continget, & quidem ex hac ratione: Aqua salibus & oleis intime commixtis vniri amat, quae solitaria plane respuit. Nunc mixtio illa inti-

ma,

ma, qualis in planta sibi adhuc relicta existit, destructa est §. XVIII, ergo aqua soli alcali nubit, salia quoque in maiori quantitate, quam spiritus vini rectificatissimus, soluit (per principia chemica). Aqua cum alcali tantum saturata est, non vero oleo, ut spiritus vini rectificatissimus, ergo in minima interstitia aquae, oleo vacua, alcali nunc intrat & haec plus illius capiunt, quam spiritus vini rectificatissimi, consequenter copia salis volatilis, lateribus vitri adhaerentis, minor sit necesse est.

§. XXII.

Experim. IV. Carbonaria substantia §. XVIII. in pollinem siccum contrita, subpingis fere manebat semper, nec, scintillulis iniectis, ignem concipiebat. Huius pollinis, seu capitis mortui, recepi uncias duas & grana septem, quae igne aperto calcinatae fumum mittebant, quo cessante cinerem subalbidum, admodum rarum, friabilem, inodorum & insipidum post se relinquebant, qui pondere ad unciam vnam semis & grana sex adscendebat.

§. XXIII.

Experim. V. Cinis hic §. XXII. vasi vitreo immixtus, cum sufficiente aquae purae quantitate ad ignem ebulliens, & cochleari ferreo saepe agitato, certam salis quantitatem dabat, terra in fundo remanente. Feruidus liquor percolabatur, quoad limpidissimus euadebat. Faciebam porro, ut terra in fundo vasis & colo relicta, aqua nova semper adfusa, ebulliret, quem laborem iteratis vicibus tam diu continuabam, usque dum lixiuium debile,
D nullo

nullo vel paucio sale praegnans, obtinebam, & tandem aqua omnis saporis expers redibat. Terra residua, pura & sicca, pondere aequabat vnciam vnam & drachmam dimidiam. Lixiuum modo dictum purissimum in vase puro, vitreo, ex arena leni igne, ne retinenda traherentur euaporatione, ad siccitatem redigebam. Sal post euaporationem residuum, quo maiorem ipsi puritatem conciliarem, crucibulo committebam, ignisque suppositi gradum augebam, vsque dum crucibulum candescebat salque instar aquae fluebat; illud effusum & frige factum ponderabat drachmas duas & grana decem.

§. XXIV.

Experim. VI. Aequalis foliorum in frustula dissectorum §. XV. & XVII. quantitas cum sufficienti aquae simplicis copia infusa, & digestionis fortioris beneficio extracta, praebebat liquorem brunnum, intense amarum, acrem, nauseosi odoris, paulisper empyreumatici. Crescebat mucilaginis extractae portio, quum ferme per semihoram leniori coctioni subiiceretur. Odor, qui leni hac decoctione diffundebatur, admodum nauseosus erat & caput tentabat. Decoctum hoc, ebullitione facta, percolatum & expressum, lentae euaporationis auxilio ad spissitudinem redactum, vncias duas & drachmam vnam extracti gummosi, seu salino-mucilaginosi, iustae consistentiae, suppeditabat. Colore gaudebat brunno, paulisper in nigrum vergente; saporis erat intense amari, instar extracti absynthii, & in recessu acris, vrentis; praeterea nauseosum, aduer-

aduersumque naribus spirabat odorem. Folia residua sufficienter siccata pendebant vncias quatuor & grana XXVI, ex quo elucet, aliquid aquae affusae extracti mixtionem ingredi, quod pondus portio- nis alicuius resinae, per aquae euaporationem amis- sae, restituit, imo auget. Frustula foliorum sic- catorum satis notabili adhuc amaritie praedita erant.

§. XXV.

Experim. VII. Quum loco aquae simplicis, acetum probe destillatum vnciis aliquot foliorum dictorum §. XV. & XVII. affunderetur, liquor post aliquot dierum digestionem prodiit coloris ex brun- no flauescens, odoris subtilis, aciduli, & saporis amari per acidi adfusionem paululum mitigati.

§. XXVI.

Experim. VIII. Visurus porro, an mixtio- nem huius plantae resinosa etiam substantia ingredi- retur, vncias sex foliorum Virginienfium §. XV. & XVII. cum superfuso spiritu vini rectificatissimo, digestionem leuiori, ferme per octiduum, commisi. Spiritus vini rectificatissimus paullo post saturatori aureo & post aliquot dies ex brunno rubente, tan- demque brunno tingebatur colore. Haec tinctura admodum amara erat, & in recessu vrentem, aliquan- tis per nauseosam, habebat acredinem. Acredo ali- qua interiecta mora eminentius sese manifestabat, tantaque erat, vt fauces, ferme vt grana piperis masticata, satis diu adficeret ac sensibilem concita- ret ardorem. Collectam eam partim per decanta- tionem, partim per expressionem foliorum, & cu-

curbitulae vitreae infusam, in arenae balneo usque ad vnciarum trium remanentiam abstraheram. Spiritus prima destillatione prolectus cum ordinario spiritu vini rectificatissimo, quoad colorem, odorem & saporem, conueniebat, excepto, quod paulisper maiori acredine imbutus videretur: secunda vero destillatione prolectus, ab illo, colore pallide flavescente & odore vaporoso & caedioso, aliquantulum recedebat. Tinctura in cucurbita residua colorem saturate brunnum contraxerat, & saporem intense amarum, satis acrem & in recessu valde vrentem, nauseosum, referebat. In fundo cucurbitae molecularae quaedam, quoad habitum externum resinosae, haerebant. Tinctura relicta, penitus inspissata, suppeditabat vnciam vnā & grana tria extracti bruni paulisper ad nigrum vergentis.

§. XXVII.

Hisce ad finem perductis experimentis, non inutilem memet suscepturum putavi laborem, si folia Tabaci vulgaria, §. XV. denominata, & speciei secundae generis Tabaci §. XI. adnumeranda, etiam exactiori scrutinio chemico submitterem, & eorum principia, quoad possem, explorarem, quatenus largiantur, & num eadem cum foliis Virginienfibus §. XV. & XVII. & eadem in quantitate contineant, nec ne? Sic enim deinceps certius quid de modo operandi ac viribus statuere ac differere licet. Eadem igitur experimenta chemica institui, quae oculis, manibus, animoque sequentia subiecerunt.

§. XXVIII.

§. XXVIII.

Experim. X. Primo itaque retortae vitreae, balneo horizontali §. XVIII. impositae, inieci similem quantitatem, nimirum uncias sex foliorum tabaci vulgarium, §. XV. & XVII. descriptorum, & applicato receptaculo & destillatione secundum artem instituta, obtinui ut antea, (conf. §. XVII. Exper. I.) sub iisdem fere circumstantiis, 1) aquam pelucidam, oleosam, subflavam, 2) liquorem magis flavum, leuem, admodum oleosum, 3) oleum graue, nigrum, 4) caput mortuum, siue substantiam carbonariam subnigram, leuissimam, spongiosam & insipidam. Aqua & oleum, tam leue, quam graue empyreumaticum, ad uncias duas, drachinas duas & grana septem, caput mortuum vero ad uncias tres & scrupulum vnum pondere adscendebat. Liquido ex hisce constat, drachmas quinque & grana xxxiii. explere particularum, lateribus adhaerentium & in auras euolantium, quantitatem.

§. XXIX.

Experim. X. Memorata iam ratione §. XIX. Exper. II. destillaui liquida cum oleo graui empyreumatico §. XXVIII. sicque obtinui liquoris flavescentis unciam vnam grana quatuor, qui odorem spargebat subtilem, acrem, penetrantem, saporem vero acrem, vrentem, vixque nauseosum, illo §. XIX. longe in omnibus debiliorem. Spicula salis volatilis paucissima quantitate comparuerunt, ita ut illa vix commemorari mereantur. Cognoui proinde ex hoc, quod in mixtione huius Tabaci sal vo-

latile quidem reconditum lateat, quod vero separationem, ob paucissimam quantitatem, sub destillatione respuat. In fundo retortae remanebat liquor brunus, cum oleo graui empyreumatico & moleculis quibusdam spissiusculis resinosis mixtus, qui eiusmodi odorem & saporem, licet leuiorem, cum supra dicto §. XIX. habuit. Coniunctim vnciam vnam, drachmas sex & grana septem pondere aequauerunt.

§. XXX.

Experim. XI. Ex capite mortuo, cuius pondus ad vncias tres cum vnico scrupulo adscendebat, §. XXVIII. ope calcinationis apertae in crucibulo, dictoque modo §. XXII. in cineres redacto, vbi vnciae duae cum dimidia remanebant, & per aquam adfusam §. XXIII. elixiuato, salis fixi drachmae duae & grana quinque extrahebantur; reliquum fuit terra insipida, quae vnciam vnam, drachmas sex & grana sex pendebat.

§. XXXI.

Experim. XII. Peraeto hoc experimento, vnciiis sex foliorum Tabaci vulgarium §. XV. & XVII. iam dicta ratione §. XXIV. Exper. VI. affudi sufficientem quantitatem aquae purae, & eius ope accepi extractum, liquorem nimirum, qui colorem contraxerat ex brunno rubentem, odorem spirabat nauseosum, & amaricante gaudebat sapore. Post decoctionem vero, expressionem, clarificationem & inspissationem, remanebat partis gummosae vncia vna semis & grana nouem, quae habebat colorem brunnum, saporem amarum, acrem, nauseosum,

sum, & odorem grauem, ingratum. Capitis mortui siccati erant vnciae quatuor & drachmae sex.

§. XXXII.

Experim. XIII. Porro quoque Tabaci foliis vulgaribus §. XV. & XVII. acetum destillatum adfudi, vt supra §. XXV. nihil vero efferuescentiae adparuit, praeterquam quod acetum iterum separatum acredinem aliquo modo amiserit, & colorem obscure flavescentem adsumserit.

§. XXXIII.

Experim. XIV. Deinde simili quantitati, eodemque modo constitutae §. XXXI. superfudi spiritum vini rectificatissimum, & omne id, lenioris digestionis ope, extraxi, quod secundum rationem Exper. VIII. §. XXVI. separari potuit. Tinctura, quam obtinui, post decantationem ac fecum subsidentiam, erat obscure flavescent, odoris nauseosi, & saporis amaricantis & acris. Abstracto in cucurbita spiritu superfluo, circiter vnciae tres tincturae concentratae remanserunt, quae vltiori evaporatione ad debitam consistentiam redacta, vnciam dimidiam & grana duodecim extracti ex brunno nigricantis suppeditavit.

§. XXXIV.

Quod notabilis illa vegetabilium qualitas, acris nimirum, vrens, linguam aequae ac nares feriens, dependeat a salibus, facile largior. Hic tantum oritur quaestio: quodnam sal Tabaci hos effectus exferat? cuiusnam sit indolis? an sit sal alcalinum, aut acidum, aut vtrumque? Vltimum, seu acidum,

SCHONN *l)* & NEANDER *m)* separatim & manifesto se deprehendisse contendunt. His ducibus spes fouebam, sal Tabaci acidum inter producta experimentorum meorum esse compariturum; sed euentus expectationem fefellit. Etenim praeter sal alcalinum tam fixum, quam volatile, ne minimum quidem salis alicuius acidum, ita ut in clara luce positum esset, vestigium fuit.

§. XXXV.

Experim. XV. Tabacum sal alcalinum, fixum aequae ac volatile, in sinu suo recondere, praesentis experimenti comprobauit euentus. Admiscui nimirum acidum vitriolicum liquidis §. XVIII, liquori flauescenti & brunno §. XIX, sali volatili §. XX, & fixo §. XXIII, extracto aquoso §. XXIV, & resinoso §. XXV. Idem experimentum eademue ratione institui cum omnibus fere foliorum Tabaci vulgarium productis, ut liquore flauescente & brunno §. XXIX, sale fixo §. XXX, extracto aquoso §. XXXI, & spirituofo §. XXXIII. Quo facto illico turbida euaserunt omnia, & interueniente conspicua satis efferuescentia, materiae cuiusdam lutosae, feculentae, praecipitatio contigit. Durante efferuescentia non tantum bullulae numerosissimae ad superficiem profiliebant, sed copiosa quoque spuma, accedente leni vitri agitatione, cum multo strepitu, ad notabilem in vitro euehebatur altitudinem, pro diuersitate tamen subiectorum, & maioris vel minoris quantitatis & explicationis salis,

l) l. c. p. 380. § 4.*m)* l. c. p. 85.

lis, hoc phaenomenum variabat. Huius, & praecipue salis fixi praesentiam probant quoque experimenta, §. XXV. & XXXII. instituta. Plus praeterea liquoris acidi & saturationis punctum obtinendum requirebatur; contra vero alcali fixo liquido, praecedentibus dictis instillato, nihil effervescentiae, nihilque mutationis adparuit, excepto, quod pelluciditas in nonnullis imminui videretur.

§. XXXVI.

Hinc ex modo dictis sequitur, Tabacum plus vel minus salis alcalini in sinu suo fouere, quod vel mediante ignis tortura, vel sine ea deprehendi potest. Etenim omne id chemicis sal alcalinum audit, quod cum acido effervescit. Sal volatile alcalinum a sale fixo alcalino distinguitur, quod solutum, adiecto cupri pauxillo, colorem producat coeruleum. Hoc ipse etiam expertus sum, quum liquori flauescenti, §. XIX. & XXIX. & sali distincto alcalino §. XX. aliquot cupri lamellulas adiicerem. Insuper perpetuae Tabaci exhalationes hoc satis probant.

§. XXXVII.

Ex experimentis §. XXVI. & XXXIII. adductis, primo intuitu colligi poterit, vncias sex foliorum Virginienfium §. XV. & XVII. vnciam vnam grana tria §. XXVI, & eandem quantitatem foliorum vulgarium §. XV. & XVII, vnciam dimidiam & grana duodecim §. XXXIII, resinae continere. Verum enim vero, re paulo accuratius pensitata, & productis hisce vltiori examini subiectis, clare adparebit, quod vnciae vni & granis tribus §. XXVI.

vix aliquot drachmae verae resinae, dein vnciae dimidia & granis duodecim §. XXXIII. drachma una eiusdem, immixta fuerint, & detracta reliqua portio meram substantiam gummosam, aut salino-mucilagineam, per phlegma, quod spiritui inflammabili adhuc adhaeret, extractam & solutam, sistat, quod non infrequenter fieri solet, & minus aduertentes, nec satis de omnibus circumstantiis sollicitos, in varios deduxit errores, ut multis corporibus copiosam tribuerent resinam, quibus tamen parum, quin quandoque nihil huius principii inest. Hoc adhuc magis ex eo probatur, quod Tabacum oleum & sal alcalinum habeat, §. XVIII. XXIX. & XXXVI. quae intime combinata saponem constituunt; hic saponem in aquam, quam spiritum vini rectificatissimum transit (per princ. chem.); tam arcta enim saponem constituentium mixtio est, ut vno horum menstruo quodam soluto, alterum simul in eius amplexus ruat. Ergo ab extractione spiritus vini rectificatissimi non valet conclusio ad resinam extractam, nec ab extracto aquoso ad extractum gummosum.

§. XXXVIII.

Experim. XVI. Ne autem quis autumat, adfertum hocce meris inniti coniecturis, praesens experimentum illius veritatem satis euincet. Adfundi scilicet 1) portioni tincturae saturatae §. XXVI. & XXXIII. aquam frigidam, expectaturus, an mixtura lactescat, aut particulas quasdam resinosas ad fundum demittat: ast nihil tale contigit, sed mixtura pellucida perseueravit, immo maiorem pelluciditatem

tem sortita est; deinde 2) aquam simplicem frigidam adfudi extracto §. XXVI. & XXXIII, quae illico flavescente colore tangebatur, & intra breve tempus, leni accedente cucurbitulae agitatione, totam ferme extracti portionem soluebat: quo viso, lenissimae digestionis subieci, & post exiguum interual- lum totum extractum denuo in aquae interstitia transiisse, eamque, perseverante pelluciditate, flauo colore imbutam fuisse, apprehendi, exigua tantum portione excepta, quae sub forma molecularum minorum, nigricantis coloris, saporis amari, paulisper nauseosi, partim in fundo subsidebat, partim lateribus adponebatur, & facta leni agitatione vasis, solutioni innatabat. Et pauca haec portio pro meo iudicio illa verae resinae portio est, quae in extracto §. XXVI. pondus drachmarum duarum & granorum quinque, & in altero §. XXXIII. scrupulorum duorum & octo granorum explebat. Memoratis 3) accedit, quod caput mortuum, seu folia ab extractione residua §. XXVI. & XXXIII, iterumque sufficienter siccata, sensibilem ponderis iacturam haud passa, & quoad habitum, texturam, densitatem, saporem, &c. foliis recentibus haud dissimilia fuerint.

§. XXXIX.

Experim. XVII. Tandem ut nihil praetermittam, quod huc pertinere videtur, aliud adhuc circa resinae inquisitionem experimentum institui. Portioni scilicet foliorum, cum aqua antea iam extractorum §. XXIV. & XXXI. ac denuo siccatorum, spiritum vini rectificatissimum superfudi, ut constaret,

an aqua omne principium tingens extraxerit, nec ne? Digestione in arena calida instituta & ad aliquot dies protracta, obtinui tincturam flauescentem quidem, ast valde obscure pallidam, satis tamen adhuc acrem & amaram. Illam dein euaporando ad debitam consistentiam deduxi, ast nihil diuersi adparuit, & singula phaenomena prioribus §. XXXVIII. fuerunt similia, ita vt, quae de resina in antecedentibus dicta sunt, omni careant dubio.

§. XL.

Experim. XVIII. Animaduertens, immo e textura & sapore satis adhuc amaro cognoscens, post primam foliorum Tabaci §. XXIV. & XXXI. extractionem cum aqua, multum substantiae mucilagineae crassioris in foliis residuis siccatis relictum fuisse, vncias illas quatuor & drachmam semis §. XXIV, & vncias quatuor drachmas sex §. XXXI. capitis mortui, adhuc semel fortiori extractioni cum aqua subieci, vocata in auxilium ipsa coctione per horam protracta: sic iterum liquorem obtinui prioribus §. XXIV. & XXXI. quoad saporem amarum & colorem non dissimilem, ast multo impuriorem, copiosis, sub quiete, ad fundum subsidentibus fecibus terrestribus. Extractum iustae consistentiae inde paratum, prioris §. XXIV, vncias duas scrupulum vnum, alterius §. XXXI, vncias duas grana duo, & huius folia residua siccata vncias tres grana quatuor, illius vncias duas drachmas duas semis, pondere aequabant. Extractorum aequae vt praecedentium cum aqua paratorum §. XXIV. & XXXI, vnum linguae saporem valde

valde amarum, alterum sub-amarum & in recessu acrem imprimebant, eodemque fere gaudebant colore. Caput mortuum utriusque siccatum satis aridum erat, ast nihilo secius saporem sub-acrem & amarum adhuc servauerat, ut hinc videretur difficillimum, folia Tabaci omni acri & amara mucilagine privari posse.

§. XLI.

Ne etiam silentio praeteream experimenta, de quibus iam iam §. XIV. dixi, cum Tabaco, *Canaster* dicto, instituta; hinc omnia fere experimenta, quae cum foliis Tabaci Virginienfibus & vulgaribus susceperam, cum hoc repetii, nempe destillationem §. XVII, rectificationem §. XIX, &c. in quibus salis volatilis & olei subtilioris multo minorem quantitatem semper obtinui; praeterea odorem minus vaporosum deprehendi, licet reliquae partes constitutivae, ut sal fixum, oleum graue empyreumaticum & terra, melius debitum explerent pondus, quod folia Virginienfia, ex quibus *Canaster* praeparatur, habebant. Hanc ob rem superfluum esse puto, illa recensere, cum insuper etiam iusta cum antecedentibus proportio locum non inueniat.

§. XLII.

Experim. XIX. Ultimo loco adnotari meretur, quod olea ex Tabaci speciebus educta & collecta, quae omnia foetidam fracedinem spirabant, saepius rectificando super calcem viuam, puriora minusue ingrata evaserint, ita ut, rectificatione sexta

vicerepetita, oleum egregie purum, albescens, oleo animalium aemulum, nanciscerer.

§. LXIII.

Plura, praeter recensita, cum Tabaco, praecipue eius foliis recenter decerptis, experimenta chemica institui potuissent; attamen cum hic loci foliorum recenter decerptorum nulla fuerit copia, licet multum operae, pro iis acquirendis, insumserim; praeterea memorata experimenta, ut puto, essentiae ac indoli huius simplicis detegendae & explicandae sufficere videantur, ulteriori hac vice indagine commode me carere posse existimaui, eoque magis, cum SCHOON *n*) mentionem faciat, quod tam recens, quam exsiccatum Tabacum, easdem similesque partes, licet quantitate diuersas, habeat.

§. XLIV.

Absoluta nunc prolixa suscepti examinis chemici enarratione, ordine sic postulante, necesse erit, ut ea, quae exinde colligi & intimiorem naturae huius simplicis cognitionem adiuuare possunt, ostendam. Singulis igitur, quae adduxi, debite ac coniunctim pensitatis, sine difficultate cognoscere possumus, folia Tabaci exsiccata composita esse 1) ex aqua, 2) oleo, 3) sale alcalino, 4) terra, quibus omnibus 5) particulae tenerrimae odoriferae, oleoso-salinae volatiles, interspersae sunt §. XVII. XVIII. XXIII.

§. XLV.

Hisce principiis §. XLIV. nunc recensitis, primario ad eorum quantitatem nobis erit respiciendum,

n) loc. cit. p. 379. §. IV.

dum, quo eo melius in sequentibus iam productorum quantitatem, exinde ortam, perspectam habere possimus. Notari hinc debet, respectu quantitatis praedominium habere partes *oleosas* §. XVIII. XIX. XXIX, iisque succedere *alcalinas* §. XX. XXIII. XXX, dein *terreas* §. XXII. XXX, tandem *aqueas* §. XVII, XVIII, & *odoriferas volatiles*, quae pondere postremum, actiuitate vero primum fere occupant locum.

§. XLVI.

Ex combinatione duorum, trium vel plurium principiorum §. XLIV. originem ducunt varia corpora & producta, quae praecipue sese manifestarunt in Exper. VI. VIII. XVII. & XVIII. substantia nimium gummosa, resinosa & vaporosa. Pars gummosa resultat proprie ex intima mixtione salis alcalini & olei, etsi aqua & terra etiam eius mixtionem ingrediantur. Cum itaque hae partes gummosum constituentes in Tabaco existant plurimae, §. XLV. hinc liquido constat, qui fiat, ut in Exper. modo allatis tantum extracti gummosi copiam obtinuerimus. Substantia resinosa, quae ortum trahit ex sale acido subtili, cum oleo intime combinato, probat, quod quidem insit Tabaco acidum, sed in exigua mole, ita ut ob mixtionem intimam absconditum lateat, & compedibus aliorum fociorum principiorum irretitum, solitarie oculis fisti haud possit, quare etiam illius quantitas longe minor est praecedente. Ex qua ratione *SCHOON* imaginationi nimium indulgisse videtur, quod ipsam figuram huius acidi determinat.

minare conatus fuerit o). Substantiam vaporosam constituunt sal volatile & oleum volatile, probe inter se inuicem mixta. Portio residua, vt terra & aqua, reliquis dictis immixta & substantiae quasi mortuae & inertis instar est; omnis autem vis medica amarae, acri & vaporosae substantiae inhaeret.

§. XLVII.

Cognitis & probatis huius plantae principiis, progredior ad modum operandi in corpore viuo. Consideratu autem dignum nunc est, cuinam principio Tabaci, praesertim exsiccati §. XV. XVII, vis illa in corpus agendi sit adscribenda. Omnium, vt puto, calculo, erit principium acre & stupefaciens, quod vltcrius nunc probandum.

§. XLVIII.

Principium illud, quod acre est & linguae saporem acrem & amarum imprimit, deprehendimus in extracto gummoso §. XXIV. XXXI, & resinoso §. XXVI. XXXIII, in illo vero longe maiorem, quam in hoc. Extractum gummosum constat ex oleo & alcali, & extractum resinosum ex acido & oleo §. XLVI. Iam vero oleum non est acre: Hinc ratio acredinis in alcali & acido quaerenda est.

§. XLIX.

Sal tum acidum, tum alcali, agit eo vegetius, quo minus est implicitum. Iam vtrumque in substantia gummosa & resinosa ab oleo est inuolutum §. XLV. Hinc eorum actio minor existit. Olea vero, si salia longe superant, spicula inuoluere, eorumque

o) loc. cit. p. 376. §. II. tab. VII.

que actionem in totum impedire possunt. Cum vero salia sint fere aequalia partibus oleosis §. XLV, hinc spicula neque inuoluere & hebetare, neque actionem illorum impedire in totum possunt; per consequens salia a portione oleosa paulisper temperantur, nequaquam tamen penitus hebetantur.

§. L.

Quantitas extracti gummosi longe superat extracti resinosi quantitatem §. XXXIX. & XL; extractum resinofum saporem exhibet leniorem §. XXXIX. quam gummosum §. XXIV. Cum ergo quantitas extracti gummosi non solum longe maior sit, sed etiam longe vehementiorem exferat saporem, i. e. fortiter agat: hinc ab extracto gummoso, nempe ab alcali §. XLIX. magnam Tabaci actiuitatem pendere, & ad istud respiciendum esse, verisimile est.

§. LI.

Alcali, vt sal acerrimum, viuenti adplicatum, cum spiculis suis fibras stimulat, grauius exagitat, & tensionem, punctionem, rosionem, distractionem in iis causatur, titillatione, inflammatione, ardore, contracturis, immanibus doloribus, conuulsionibus, gangraena & sphacelo indicibus.

§. LII.

Per admixta vero infringitur salis alcalini vis, & quo magis inuoluitur, eo magis cicuratur & actiuitatem perdit §. XLIX. Fac itaque, vt sibi solum oleum sit admixtum, vti fit in destillatione, vbi aqua cohaesionem maiorem impedit, tunc adhuc partibus neruosis, quas tangit, fortiter vellicandis erit

aptissimum, quia alcali minus est implicatum, quare etiam irritationes, erosiones, spasmodicae contractiones concitantur. Quando vero illas partes, quibus applicatur, moderate stimulando officii sui admonebit, ut vegetius sese contrahendo, nisu in fluida agant validiori, tunc illas ad circuitum excitabit celeriores, aut adiuuabit, ut meatuum ac vaporum parietibus, ob spissitudinem, tenaciter adhaerentia, vel ipsis canalibus plane impacta ac in iis subsistentia, tanto facilius excutiantur. Deinde etiam non potest non fieri, quin alcali ita temperatum saponaceam virtutem exferat; alcali enim cum oleo probe mixtum, eique sufficienter inuolutum, constituit saponem §. XLVI, qui dein humores crassos, mucosos, tenaces colliquat, attenuat, resoluit & abstergit.

§. LIII.

Ordo me nunc ducit ad agendi modum particularum oleoso-salinarum volatilium, qua ratione nimirum stupefactionem inferant. Quo vero mens mea in sequentibus eo melius intelligatur, praemitenda veniunt quaedam theoremata, nimirum: Particulae salinae & oleosae volatiles rationem in se continent, ut corpora odorem de se spargant, quo deinde nares vel offendunt, vel grate adficiunt. Particulae salino-oleosae volatiles, i. e. ubi plures salium volatilium particulae cum minori particularum oleosarum volatilium quantitate sunt combinatae, gratum spirant odorem; particulae vero oleoso-salinae volatiles, i. e. ubi plures oleosarum volatilium particula-

cularum cum minori particularum salinarum volatilium quantitate coniunctae sunt, odorem reddunt ingratum, naribus aduersum. Quo plus salis volatilis, minus vero olei volatilis, eo gratior; & quo minus salis volatilis, plus vero olei volatilis, eo ingrator exoritur odor. Non minus etiam commemoranda adhuc quaedam sunt de odoris alias grati in ingratum mutatione. Nimirum si particulae salinae volatiles oleosas volatiles pondere superant, tunc gratus odor in ingratum mutatur, dum particulae salinae volatiles papillulas nerueas, praesertim olfactui dicatas, valde stimulant; si vero particulae oleosae volatiles pondere superant salinas volatiles, tunc ingratus odor in gratum mutatur, dum particulae oleosae volatiles fibras laxiores reddunt. Subiectum vnum prae altero plus vel minus sensibile est, siue fibrae in hoc subiecto plus minusue tensae & validae sunt, idcirco odor vni gratus, alteri ingratus, & vice versa, esse solet. Quo laxiores iamiam fibrae nerueae sunt, eo maiorem exserunt vim particulae oleoso-salinae; quo magis tensae & validae, eo minor earum vis est. Quo magis tensae & validae sunt fibrae nerueae, eo maiorem habent vim particulae salino-oleosae; quo minus tensae & validae vero sunt fibrae nerueae, eo minor quoque earum vis erit.

§. LIV.

Tabacum de se spirare odorem nauseosum & vim possidere virosam stupefacientem, omnia fere experimenta cum ipso instituta, praesertim vero destillationes, demonstrarunt. In probationem hu-

ius rei ea etiam commemorare lubet, quae sub destillatione acciderunt. Licet enim vitra luto probe fuerint clausa, tamen impediri haud potuit, quin vaporosi quid per intercapedines irrepserit, expertis adstantibus & praecipue mediam domi partem inhabitantibus, quippe quorum nares vapores, ob leuitatem specificam in altum pleno agmine sese attollentes, sensibili modo feriebant. Qua ratione autem Tabacum vim suam, sub his circumstantiis, stupefacientem in corpore exferat, sequentem in modum demonstrare annitor: Praedicti vapores, quos particulae oleoso-salinae volatiles §. LIII, effectibus earundem id testantibus, constituunt, e Tabaco, pro motu, quo inter se inuicem agitantur, vinculis suis laxati, plus minus exhalant. In aëre vagi iisdem praesertim locis sese insinuant, vbi minorem resistantiam inueniunt. Hinc naribus attracti, ob minorem ibi resistantiam, nervorum tunicis sese insinuant; praecipue vero ob summam leuitatem & subtilitatem per illa foraminula, quae tubulorum in nervis olfactoriis resorbentium oscula sunt, in recessus nervorum penetrant, & eo quidem profundius, quo maior fuit aëris attractio. His nervorum recessibus excepti, fibras eorum emolliunt, relaxant (quod est partium oleosarum proprium); his relaxatis tonum earum debilitant, deprauant; hoc deprauato, motus *fluidi* illius subtilissimi, *nervui* vocari sueti, non tantum tardior, inertior, impedior redditur, immo ob dictarum particularum copiam & nervorum atoniam penitus sufflaminatur, sed

sed etiam functiones illarum partium, in quas nervi cerebri se inferunt, laesionem patiuntur, quales sunt illae, quae motibus voluntariis & sensuum ministerio inferuiunt. Sed ulterius adhuc est progrediendum. Praeualens particularum volatilium quantitas tandem etiam reliquas encephali regiones peruagatur, sensim sensimque partibus cerebro vicinis noxas suas adfricando, nimirum cerebello; quo facto arteriae tardius vibrant, unde pulsus magnus, elatus, sed minus frequens; imminuto sanguinis motu progressiuo & circulari imminuitur tam adfluxus sanguinis ad cerebrum, & secretio fluidi nervei, quam refluxus illius ad partes corporis solidas, artuum torpore, motuum & sensuum decremento subsecuturis. Mortis denique periculum nonnunquam imminet: Cum enim ob particularum oleosarum volatilium copiam, uti in proxime praecedentibus iamiam dictum, tota nervorum cerebri compages nimium relaxetur, non aliter fieri potest, quin fluidum nerveum in stases aut stagnationes ruat; si hoc, non tantum ulterior illius in nervis motus, sed etiam eiusdem ad partes corporis amandatio praescinditur.

§. LV.

Hac effectuum recensione, qui tantum motum fluidi nervei adficiunt, nondum omnium expectationi satisfecisse mihi videor. Hinc adhuc subiungo, quod particulae illae Tabaci volatiles non tantum fluidi nervei motum adficient, sed etiam naturalem ipsius crasin corrumpant, quod sequentem

in modum probo: Fluidum nerueum, licet ob angustissimum vasorum, in quibus a latice arterioso sequestratur, diametrum, fluidum tenuissimum subtilissimumque sit & sanguinis pars defecatissima, delibatissima, tamen locum inter materias sibi vindicat, licet ne vlla quidem materia subtilitate illi similis existat. Si materia est, tunc actio & reactio illud inter & alias materias occurrit & occurrere potest (per princ. phys.), quae ipsae naturalem illius crasin vel custodiunt, vel deturpant & corrumpunt. Quod prius attinet, ex fonte diaetetico omnia esculenta & potulenta bonae & optimae notae, ex fonte therapeutico omnia medicamenta roborantia, neruina, analeptica, &c. id praestant; quoad posterius, multae dantur materiae, quae ipsius crasin naturalem peruertunt, vt sunt omnia graueolentia, foetida, mephitica, narcotica, stupefacientia, alia. Cum itaque particulae oleoso-salinae volatiles, quibus scatet Tabacum, posteriorum indolem referant, ideo etiam consimiles edunt effectus. Etenim potentiam agendi huius subtilissimi fluidi vel imminuunt, vel plane inertem reddunt & actiuitate priuant, insecuturis contrariis effectibus, vt torpore artuum, defectu sensationis, partium debilitate, atonia, vt supra §. LIV.

§. LVI.

Eosdem in corpus exserunt effectus corpora eiusmodi particulis §. LIV. imbuta, si vel ore, vel alia via excepta sanguinem intrant; tunc enim cum sanguine superiora versus, cerebrum scilicet & cerebel.

rebellum, pulsa, prae reliquis sanguinis partibus, in ductus tubulorum nerueorum transeunt & eosdem §. LIV. & LV. iam dictos effectus edunt. Quia vero hoc in casu aequali modo, tam ad cerebrum, quam cerebellum, cum sanguine adfluente aduehuntur, ratio in promptu est, qui fiat, ut narcoticum quoddam, v.g. opium, licet in minima quantitate sanguini admixtum sit, stupendam exferat vim; functiones enim vitales tunc magis laesae deprehenduntur, ac si per nares eiusmodi narcoticum in cerebrum penetrauerit, adeoque ratio in eo sita est, quia hic magis patitur cerebellum, a quo functiones vitales proxime dependent.

§. LVII.

Cum opposita iuxta se posita magis illucescant, partibus oleoso-salinis, salino-oleosis, ceu prioribus oppositas, subiungere, eorumque agendi modum explicare, operae pretium esse duco. Sicuti particulae oleoso-salinae relaxando §. LIV. & fluidum nerueum destruendo §. LV. ita salino-oleosae volatiles §. LIII. stimulando (quod salium proprium est) & volatilitatem eiusmodi fluidi promouendo, primario vim suam exferunt. Hoc stimulante effectu primo odorem excitant, eumque gratum, quo maior partium oleosarum quantitas est cum paucis salinis mixta; quo maior vero salinarum volatilium quantitas cum paucis oleosis particulis est mixta, eo excitatior odor est, immo excitatissimi odoris sunt, ita ut eum aut non, aut aegre ferre possimus. Cum secundo admodum volatiles ac rarescibiles sint, eadem

eadem ratione , vt oleoso-salinae, corpus nostrum subeunt per vascula neruorum resorbentia, & cum sanguine per arterias, aut alias vias, quae aditum ipsis concedunt, ad cerebrum feruntur. Eo delatae, partes neruosas stimulant, & pro diuersa quantitate salium volatilium, oleosis particulis admixtorum, vel lenius, vel fortius. Si prius, motum blandum & robur illis conciliant, vt viuidius in fluidum suum contentum agant, eiusdemque motum iuuent, nec non elasticitatem fluidi neruei promoveant, quo fit, vt etiam illarum partium actio, quibus furculos suos impertiunt, promptior & vegetior reddatur. Si posterius, fibras nerueas, ob ténertatem & insignem tensionem valde sensiles, nimium vellicando, stimulando, rodendo, grauiter adficiunt, & tandem ob consensum tantos in vniuerso systemate neruoso excitant motus, vt presso pede tensiones, dolores, spasmi, motus conuulsiui, & id genus alia, succedant.

§. LVIII.

Duo principia fortiter agentia agnoscit Tabacum §. XLVII, quae ita agunt, vt vnius actio alterius actionem inuertat §. XLVIII. LIV. ergo sibi inuicem sunt opposita. Sunt vero sibi vel aequaliter opposita, vel non: Si prius, nullus notabilis huius vel illius effectus, ob actionis & reactionis aequalitatem, in corpore subsequiturus esset, quod tamen contra experientiam est; ergo inaequaliter mixta sunt, ita, vt vnius actio alterius reactionem superet, sed in tantum, vt residua reagentis vis effectus

fectus sibi proprios adhuc in corpore exserere possit, quod proxime veritati accedere videtur. Nam sensuum fide constat, quod sub fumi Tabaci attractione non tantum partes volatiles nervos adficient, sed etiam partes fixae, acriores, oris lateribus adhaerendo, vim exserant, vt infra prolixius videbimus. Vnde patet, quod vtrumque principium effectum sibi proprium, sed per dictam actionis & reactionis rationem limitatum & restrictiorem, exhibeat. Interim tamen nullus dubito, quin particulae salinae §. XXIII. prae oleoso-salinis volatilibus sub fumi suctione corpori adplicentur, effectibus id testantibus; particulae enim oleoso-salinae §. XLV. sub combustionem facilius citiusque auolant, remanentibus salinis fixioribus, quae ore exceptae, ulterius effectus sibi consuetos edunt §. LII.

§. LIX.

Posito vero, quod vnum tantum horum duorum principiorum sibi contrariorum §. LVIII. Tabacum ingrediatur, vel narcoticum tantum, tunc non solum effectus longe maiores, sibi proprios, & ob alterius reagentis principii absentiam, illimitatos exseret, sed & omni iure ad genus hyoscyamorum, mandragorae, solanorum, & similium referri poterit; vel si solummodo irritans, fortiter mouens principium praesto sit, tunc solitarium non tantum motibus vehementissimis, impetuosissimis, tumultuariis excitandis ac fouendis erit aptissimum, sed & itidem omni iure corrosiuus adnumerari poterit;

vti etiam non defunt, qui e recentioribus id adstruere conati fuerunt.

§. LX.

Cum constet, quod corpora, quae dictis viribus §. XLIV. pollent, eo fortius agant, quo plures huius generis particulas in sinu suo fouent; hinc certum est, quod folia Tabaci Virginienſia actiuitate antecellant vulgaria, eandem ob rationem, quod vulgaria vtr plurimum quoad magnam partem particulis huius virtutis, nempe salibus ab oleo inuolutis, & oleoso-salinis XXVIII--XXX, priuata sunt.

§. LXI.

Extant in officinis nostratibus varia foliorum Tabaci praeparata, in *Dispensatorio Borusso-Brandenburgico* descripta, vt sunt *unguentum Nicotianae*, *Syrupus de Nicotiana*, *oleum Nicotianae*, &c. quorum vires, pro more suo, solide ostendit B. SCHVLZIVS, in *Praelect. ad Dispensat. Brandenb.* Multa quoque praeparata & cum Tabaco composita descripta legimus in NEANDRO *p*), vt sunt decocta, infusa, pilulae, emplastra, linimenta, &c. ita vt vix vlla formularum medicarum species inueniatur, cui non Tabacum addiderint Medici, eum in finem, vt huic plantae eo maiora encomia procurarent. An vero virtutes harum formularum, quae pro ingrediente Tabacum agnoscunt, huic plantae, vel admixtis speciebus in acceptis ferendae sint, peritioribus diiudicandum relinquo.

§. LXII.

p) loc. cit.

§. LXII.

Dantur adhuc alii recepti Tabaco vtendi modi, vt suctio fumi tabaci per fistulam, masticatio, & illius in forma pulueris sternutatorii ad nares attractio. Cum mos ille, folia huius plantae conuoluta, iterumque concisa, tubulis fictilibus indendi, iisque accensis fumum sugendi & per compressa labia per vices explodendi, adeo inualuerit, vt totum orbem ceu diluuium inundauerit, immo huius consuetudinis vis eo processerit, vt in quibusdam locis sexus elegantior non dubitauerit fistulas roseis suis adplicare labris & fumi bibulis sese adsociare, merito hinc quaedam de eo nobis adhuc dicenda restant. Dissensus adhuc gliscit inter Medicos, qui cogitare coeperunt, num omnibus, aut quibusdam indiuiduis Tabaci fumus, per fistulas huic usui destinatas suctus & ore exceptus, conducat, & quibus non. Non quidem aliorum iudiciis, praecipue cum ad gustum, de quo non disputandum esse pro- uerbum monet, arbitrium defertur, repugno, sed ex capite salubritatis controuersiam dirimendam esse credo.

§. LXIII.

Quemadmodum experientiae quotidianae calculo constat, eandem medicamenti vel motus excitantis, vel illos deprimentis dosin, in vno eodemque morbo, iisdem subiectis, & eiusdem aetatis, sexus, eodem in loco, sub eodem regimine exhibitam, diuersos plane effectus praestare, dum v. g. medicamentum motus excitans, in hoc multos, in alio pau-

cos, in hoc moderatos, in alio plane nullos producit motus; & medicamentum motus deprimens in vno fortiter, in altero parum, in adhuc alio plane non motus consopire & sedare solet: Ita etiam eandem effectuum diuersitatem sub Tabaci usu deprehendimus. Quatenus vero huius diuersi effectus ratio sit, inter Medicos non conuenit. Interim tamen eorum sententiam sequor, qui diuersam corporum structuram, diuersam humorum mixturam, vel si mauis, diuersum temperamentum huius phaenomeni causam constituunt.

§. LXIV.

Corpus humanum constat ex solidis & fluidis; solida ex vasis; vasa ex fibris & fibrillis ultimo constant, anatomia teste. Omnis igitur mutatio vel differentia vasis inexistens, in fibris & fibrillis vnice fundata est. Hinc omnis differentia vasorum quoad structuram, vel in in fibrae & fibrillae structura, vel fibrillarum & fibrarum numero erit quaerenda.

§. LXV.

Vasa corporis vel *textura*, vel *amplitude*, aut *diametro* differre possunt. Textura vero vasorum a fibris & fibrillis, earumque numero & qualitatibus dependet §. LXIV; fibrae autem vel laxae, vel strictae, tenerae, vel densae sunt. Temperamentorum igitur similitudo & dissimilitudo in his erit quaerenda.

§. LXVI.

Hinc quatuor oriuntur *temperamentorum* genera,

nera, ab usu, quem in medicina praecipue praestant, *medica* dicta: in quorum vno fibrae sunt tensae, tenerae ac densae, vasa minus capacia & pauca, quod dicitur *cholericum q*).

§. LXVII.

Temperamentum deinde, in quo fibrae nec adeo strictae, nec adeo laxae, vasa copiosa, sed exigua sunt, Medicis audit *sanguineum r*).

§. LXVIII.

In quo tandem fibrae sunt durae, densae, rigidae, vasa magna, sed pauca, *melancholicum* audit *s*).

§. LXIX.

Porro in quo fibrae summe laxae & spongiosae, vasa parua, *phlegmaticum* vocatur *t*).

§. LXX.

Hinc species temperamentorum medicorum ex vasorum amplitudine, multitudine, fibrarum tensione, laxitate, teneritudine & densitate, dignosci debet.

§. LXXI.

Accenso in fistula tabaco idem euenit, quod supra §. XVII. dictum fuit; nam omnes partes tabacum constituentes ope ignis in forma fumi exploduntur, ita, vt tandem sola terra cum paucis sale fixo in cinere remaneat. Cum itaque mos obtinet, hunc fumum ore, remota aëris resistentia, excipere, tunc reliquae partes Tabaci §. XLIV. per fistulam os ingrediuntur & oleoso-salinae agunt stu-

G 3

pefa-

q) HOFFMANNI *Med. system.* T. I. p. 117. 438.

r) *s*) *t*) loc. cit.

pefaciendo §. LIV, salia vero fixiora, ex parte ab oleo liberata, stimulando §. XLIX, & ductus, qui saliuam eiaculant, contrahendo, qui deinde magis contracti, saliuam maiori vel minori copia, pro subiectorum diuersitate, in cauum oris eructant; excepto, quod, si status morbosus, vt spasmus siue nimia osculorum harum partium relaxatio, humidi defectus, humorum nimia spissitudo, &c. adsit, horum salium effectus rescindantur; & tandem haec dicta salia in vniuerso corpore humores ad citatiorem motum sollicitant.

§. LXXII.

Quo maior est tensio & densitas fibrarum, eo maiorem motum excitant salia in illis. Iam tensio & densitas fibrarum in cholericis §. LXVI. maior est, quam in melancholicis §. LXVIII, in his maior, quam in sanguineis §. LXVII, & tandem in his maior, quam in phlegmaticis §. LXIX. Ergo salia maiorem excitant motum in cholericis, quam melancholicis, in his maiorem, quam in sanguineis, & in his maiorem quam in phlegmaticis.

§. LXXIII.

Sicuti vero consuetudinis vis maxima, ita etiam medice considerata rerum naturam quasi vertit. Sic enim in cholericis, Tabaci vsui adsueto, motus a sale excitati deprehenduntur minores, quam in phlegmaticis, minus eidem adsueto. Indeque b. L. bene obseruet, quod a consuetis non valeat conclusio ad insuetos. Nobis primario sermo est de insuetis, qualem nimirum relationem principia Tabaci, secundum

cundum sphaeram actiuitatis agentia, ad insuetorum corpora habeant.

§. LXXIV.

Tensio fibrarum quo maior est in corpore nostro, eo maior est relaxatio hanc subsequens. Iam salia Tabaci §. XLIV. excitant magnam fibrarum in corpore nostro tensionem §. XLVIII. Ergo a salibus Tabaci excitatam fibrarum tensionem magnam relaxationem sequi necesse est. Quo saepius tensio nimia fibrarum repetitur, eo maior erit relaxatio. Iam per vsum fumi Tabaci frequentiore tensio nimia fibrarum saepius repetitur: Ergo post frequentiore vsum maiorem relaxationem fibrarum succedere necesse est. Per consequens quo maior consuetudo fumi Tabaci est, eo maior est relaxatio.

§. LXXV.

Quo maior relaxatio fibrarum est, eo minorem motum excitant salia §. LXXII. Iam relaxatio fibrarum in fumo tabaci adsueta eo maior observatur, quo maior est consuetudo §. LXXIV. Ergo salia minorem motum excitant in magis adsueta, quam in minus adsueta. Sic enim experientia teste, adfueturi fumifuctioni sub initium vna, aut binis fistulis tabaco repletis de die vtuntur; si vero has bene ferre possint, ad plurium numerum adscendunt, quia, augefcente quotidie fibrarum laxitate, maior quantitas salis requiritur, vt relaxatae fibrae nouum iterum robur acquirant. Et eadem ratio est, cur v. g. multi literatorum, fumifuctioni adsueta, ad subeunda munia alacriores reddantur, si cum fistula

la sua ore pendula ad pulpita sedeant, aut lucubrationum fuliginem bibant. Laxitatem fibrarum quoque inducit principium tabaci stupefaciens; hinc quo frequentior est fumi tabaci usus, eo maior fibrarum laxitas.

§. LXXVI.

Folia Virginienſia Tabaci viribus ſuperant vulgaria §. LX, hinc quoque effectus praeſtantior in illis, quam in his eſſe ſolet.

§. LXXVII.

Ex his dilucide adparet, quae ſubſit ratio, cur prima vice fumifugi diuerſimode non tantum adficiantur, in primis vomitu, ſed & vnus prae altero fumifunctioni facilius, vel difficilius, vel nunquam, adſueſcat.

§. LXXVIII.

Maſticatio Tabaci, eiſdemque puluis nari-
bus attractus, eadem ratione agunt, vt fumus Tabaci §. LXXI. nimium adfluxum humorum excitando, excretionem ſeroſorum humorum augendo, motus exagitando, qui fibras partium praecipue adfeſtarum relaxant, eo magis, quo frequentior eſt diſtarum rerum uſus.

§. LXXIX.

Hinc vbi ſerum in ſanguine abundat, Tabacum tanquam apophlegmatizans eſt commendandum; & quo magis ſerum abundat in corpore, eo vtilius commendatur. Iam in phlegmaticis magis abundat, quam in ſanguineis, in his magis, quam melancholicis: Ergo vtilius in phlegmaticis, quam ſanguineis, in his vtilius quam melancholicis com-
men-

mendatur. Consequenter etiam pro maiori vel minori abundantiae feri copia ipsius vsus plus minusve est commendandus.

§. LXXX.

Tabacum vel interne vsurpatur, vel externe. In odontalgia, rheumatismo, arthritide, asthmate seroso, malo hypochondriaco, hysterico, ophthalmia serosa, catarrho, raucedine, tussi, cachexia, anasarca, scorbuto, febribus intermittentibus, obstructione alui, &c. peccant humores spissi, crassi, stagnantes, vel serum abundat. Iam Tabacum habet virtutem, humores spissos, crassos, stagnantes, incidendi & resoluendi §. XLIX, & serum educendi §. LXXI. Ergo in dictis morbis auxilium promittit.

§. LXXXI.

In ulceribus malignis, fistulosis, tumoribus scirrhis, serophulis, scabie serosa, achoribus, gangraena, &c. peccant non solum humores acres, spissi, stagnantes, sed etiam partes solidae affectae tono destitutae sunt. Iam Tabacum humores acres corrigit, resoluit & solidis motum conciliat §. XLIV. Ergo quoque in dictis laesionibus locum habet.

§. LXXXII.

E contrario, vbi defectus humorum, nimia sensibilitas, nimia resolutio humorum, inflammationes internae, cardialgia, singultus, febres acutae, aphthae, &c. ibi, nempe in insuetis, ipsius vsus non est concedendus.

§. LXXXIII.

Obsignamus Dissertationem nostram obserua-

H

tionum

tionum fide dignarum serie, quae haecenus dictorum veritatem comprobant.

§. LXXXIV.

Serum per os educit & humores corrigit Tabacum §. XLIX. & LXX. in quo consentiunt sequentes Observationes: Ulcera tibiæ diuturna, solo Tabaci fumo ore attracto, neglectis externis, sanata, *Ephem. N. C. Dec. I. An. 3. obs. 167.* Adolescens quidam ab ulceribus pedum, quibus hyemis tempore saepius tentatus fuit, per fumum tabaci feliciter liberatus, *ibid. eod.* Vxor a passione hysterica fumo tabaci subleuata, *ibid. Dec. II. An. 2. Obs. 171.* Maritus phlegmatici temperamenti, ulceribus in cruribus satis longe laborans, per fumum tabaci antea insuetum restitutus, *ibid. Dec. II. An. 3. Obs. 167.* Ptyalismus a nimio usu tabaci fumi subsecutus, *ibid. Dec. II. An. 7. obs. 198.* Nobilis quidam admodum obesus & ad motus minime commodus, per masticationem tabaci subleuatus, notatur a BORELLO *Cent. II. obs. 11.*

§. LXXXV.

Tabacum pro diuersa applicatione & subiectorum constitutione varios motus excitat §. XLIX. Comprobant hoc sequentes observationes: Dormiens puerulus a fumo Tabaci in nares inflato, frequentissimis sternutationibus, conuulsionibus excitatus, tandem misere mortuus, *Ephem. N. C. Dec. II. An. 6. App. Obs. 56.* Quidam senio confectus per fumum tabaci, quo antea abunde usus fuerat, aliquatenus resuscitatus, *Stalpart van der WIEL, Torn. II. obs.*

obs.p. 164. Tinea capitis infantis cuiusdam per insper-
sionem pulveris Tabaci sanata, MAGNENVS *Exerc.*
de Tabaco. SCHELHAMMER *in Ephem. N. C. Dec.*
II. Ann. 7. Obs. 196. meminit duorum, qui epileptici
facti, quoties tabacum in fistula accensum fuxerint,
atque hinc illius abstinencia ab hoc malo immunes
degerint. *Ibid. Ann. 2. Obs. 108.* pulvis tabaci, vulne-
ri graui femoris inspersus, excitauit vomitum, quo-
ties inspersio repetita fuit, ex quo elucet, quod ta-
bacum ob consensum partium motus excitet. *Ibid.*
Dec. II. Ann. 3. Obs. 57. refert HAMMANNVS, quod
infans per clyisma, ex decocto foliorum tabaci cum
cereuisia secundaria paratum, alui apertione & vo-
mitu insecutis, ab epilepsia curatus fuerit. *Ibid. Ann.*
8. Obs. 76. relatum legimus, quod femina quaedam,
temperamenti cholericici, appetitui nimio indulgens,
tabacum masticando, vehementissimos motus in
ventriculo & annexis partibus, atroces dolores &
stupiditatem experta sit. Simile exemplum adfert
CLAUDERVS *loc. cit. Obs. 260.* quod brodium pru-
norum damascenorum, cui frustulum tabaci admix-
tum & incoctum fuerit, anxietates praecordiales &
lipothymias produxerit. HELLWIGIVS *obs. phys.*
med. XLV. sequentem refert casum: *Duo fratres, vo-*
luptatis gratia certantes, quis eorum plures fistulas
tabaci exsugeret, in apoplecticos motus inciderunt,
quorum vnus eo momento obiit, alter vero post bibo-
rium anxie spirans, tandem misere animam exspira-
uit. Vnius cranio aperto nihil penitus cerebri vel se-
ri inuentum est, atque meninges denigratae fuerunt:

So, Freund, belohnt Dein hold Geschicke
Die saure Müß mit reifen Glücke,
Und zeigtet Deinen Wehrt der Welt.
Ich seh die Ehre Dich begleiten,
Ich seh sie Purpur um Dich breiten,
Der stolz Dir von den Schultern fällt.

Was für ein Blick? Ein Krancker heulet,
Die Menschenliebe kommt geeilet,
Die Kunst und Du, Freund, folgen ihr.
Er sieht Dich, hofst, und fühlt schon Kräfte,
Du dämpfst das Feuer entzündter Säfte.
Er lebt und spricht: GOTT schickt Dich mir.

Freund, wol Dir, wenn nach langen Ta-
gen
Man wird nach Deinem Nahmen fragen,
Wenn sich nach Dir die Nachwelt sehnt.
Wer mit uns lebt, kann uns nicht richten,
Er nützt uns, und er nennt es Pflichten;
Raum daß er unsers Ruhms erwehnt.

Wie? soll ich Dich noch länger missen?
Fliehst Du, o Freund, vor meinen Küssen?
Komm, dann besing ich unsern Bund.
Komm Freund, -- nein, folge nur dem Sterne
Ich sing, und mach hier in der Ferne
Den Wäldern unsre Liebe kund.

G. Langemack,
aus Stralsund.

Freund! heute frönt man Dich in Hygienens Tempel,
Als ihren würdigen Sohn, mit einem Doctor-Hut,
Dies rührt mich, doch nicht sehr: denn weist Du nicht
Exempel,

Daß man was ähnliches elenden Stümpern thut,
Die zwar der Heilungs Kunst Beflissene sich nennen,
Vom Forschen der Natur, von Gründen Feinde sind,
Der Pflanken Kraft so schlecht, als andre Körper, kennen,
Ihr ganzes Wissen, kurz, sind Wörter, Grillen, Wind.
Entfernt von diesen Schwarm wirst Du zur Ehr erhoben,
Gelehrter Frauent knecht! Wiß, Tugend und Verstand,
Die Stärke Deines Geists, des Fleisses seltne Proben,
Die haben Dich der Gunst des Glücks längst wehrt er-
kannt.

Selbst

Selbst gegenwärtige Schrift wird Deinem Ruhme zeugen
Bei der gelehrten Welt, bei Kennern Deiner Kunst:
Mein matter Kiel mag nur von Deinem Vorzug schweis-
gen,

Denn Du erwirbst Dir selbst Bewundrung, Ehr und
Gunst.

Nun Liebenswürdger Freund! Glück zu! Glück zu der
Crone,

Die dein Studieren ietzt zum ersten mahl erkämpft:
Such und erwart den Glanz von noch weit wichtgern
Lohne,

Ein muntreer Trieb zur Ehr wird nicht so bald gedämpft.
Geh freudig in die Welt, und nütze Deine Gaben:

Bekommt Dein Schatten gleich nicht Petri Wunders-
Kraft,

So müß doch jede Cur die schnelle Wirkung haben,
Die Kranken Hülff und Heil und Leben wieder schafft.

M. D. Müller,
aus Stralsund.









